

書東

周

萬書子西告宣子

公孫僑

思園衛台權選輯

子為晉國四鄰諸侯不聞令德而聞重幣僑也惑之  
僑聞君子長國家者非無賄之患而無令名之難夫  
諸侯之賄聚於公室則諸侯貳若吾子賴之則晉國  
貳諸侯貳則晉國壞晉國貳則子之家壞何沒也  
將焉用賄夫令名德之興也德國家之基也有基無  
壞無亦是務乎詩云樂只君子邦家之基有令德也  
夫上帝臨女無貳爾心有令名也夫恕思以明德則



NATIONAL CENTRAL LIBRARY, TAIWAN, R.O.C.




令名載而行之。是以遠至邇安。毋寧使人謂子。子實生我。而謂子後我。以生乎。象有齒。以焚其身。賄也。寓書。子西奉告宣子。

辭越王勾踐

范蠡

臣聞之。為人臣者。君憂臣勞。君辱臣死。昔王辱於會稽。臣所以不死者。為此事也。今事已濟矣。蠡請從會稽之誅。






遺文種

悲。鳥。盡。良。弓。藏。狡。兔。死。走。狗。烹。越。王。為。人。長。頸。烏。喙。  
可。與。共。患。難。不。可。與。共。安。樂。子。何。不。去。

范 蠡



止趙攻魏

魏昭王

攻魏者亡趙之始也。昔者晉人欲亡虞而先伐虢。伐虢者亡虞之始也。故荀息以為與驛假道於虞。宮之奇諫而不聽。卒假晉道。晉人代虢反而收虞。故春秋書之以罪虞。公今國莫強於趙而并秦王賢而有聲者。相之所以為心腹之疾者。趙也。魏者趙之號也。趙者魏之虞也。聽秦而攻魏者。虞之為也。願王之熟計之也。





與蘇秦張儀

王

詡

即鬼谷子

二足下勤勞。駟馬功名赫。九首稽首春榮到。秋不  
 得久茂。子不見河邊之木乎。僕馬抑其枝。波浪激其  
 根。此所居者。然也。子不見崧岱之松柏乎。華霍之樺  
 檀乎。葉干青雲。根洞三泉。千秋萬歲。無斧斤之患。



與張儀

大夫取功名。豈必需人而立。鷹隼舉翮。風雲自生。  
何至作鷓鴣。掉尾向人憐也。竊為足下羞之。

蘓秦






與蔡澤

唐舉

四時之序成功者去君幸以秦國之重建高世之烈  
游客布衣莫不聞焉有如擔簦而至秦王一旦易慮  
而改聽焉足下之事去矣天道惡盈益謙豈不悲哉




秦

遺章耶

陳餘

白起為秦將南征鄢郢北阬馬服攻城畧地不可勝  
 計而竟賜死蒙恬為秦將北逐戎人開榆中地數千  
 里竟斬陽周何者功多秦不能盡封因以法誅之今  
 將軍為秦將三歲矣所亡失以十萬數而諸侯並起  
 滋益多彼趙高素諛日久今事急亦恐二世誅之故  
 欲以法誅將軍以塞責使人更代將軍以脫其禍夫  
 將軍居外又內多卻有功亦誅無功亦誅且天之亡  
 秦無愚智皆知之今將軍內不能直諫外為亡國將





孤特獨立而欲常存豈不哀哉將軍何不還兵與諸侯為從約共攻秦分王其地南面稱孤此孰與身伏鈇質妻子為僇乎

馬服也趙括陽周縣名括賜還兵謂迴兵內嚮

前漢

遺張良

大匏不琢至樂希聲智者極慮拙者享焉黃玉為人陰刻驪不畢輪寧為福先勿為禍始子盍慎之

黃初平即赤松子



與友人

不可使塵網名韁拘鎖。怡然長笑。脫去十洲三島相。  
期拾瑤草。吞日月之光華。共輕舉耳。

東方朔






報蜀守臣

司馬相如

皇帝方嚮外治。而某以儒術建節西遊。故鄉遠近之  
士將無求多焉。其令守吏以下負努前道。旌旄所指。  
俾山靈增色。毋為題橋生索。咲於關吏也。



答梓柯盛覽

司馬相如

詞賦者合綦祖以成文。列錦繡而為質。一經一緯。一宮一商。此賦之迹也。賦家之心。包括宇宙。總覽人物。斯乃得之于內。不可得而傳。



與子琳

孔 減

告琳。頃來聞汝諸友生。講肄書傳。孜孜晝夜。行不  
怠然矣。人之進退。惟問其志。取必以漸。勤則得。如  
澗至柔。石為之穿。蠋虫至弱。木為之敝。豈非漸之致  
乎。訓曰。徒知學之未可。多履而行之。乃足。佳琳。又勉  
焉。





與蓋寬饒

王生

明主知君。潔白公正。不畏彊禦。故命君以司察之位。擅君以奉使之權。尊官厚祿。已施于君矣。君宜夙夜。惟思當世之務。奉法宣化。憂勞天下。雖日有益。月有功。猶未足以稱職而報恩也。自古之治。三王之術。各有制度。今君不務循職而已。廼欲以太古久遠之事。匡弗天子。數進不用。難聽之語。以摩切左右。非所以揚令名。全壽命者也。君不惟遂氏之高蹤。而慕子胥之和行。用不訾之軀。臨不測之險。竊為君痛之。夫君子直而不挺。曲而不詘。大雅云。既明且哲。以保其身。

狂夫之詔聖人擇焉唯裁省覽


令子  
吾欲羸葬以反吾真必亡易刮意死則為布囊盛尸  
入地七尺既下從足引脫其囊以身親土  
楊貴



與某公

夫。蒼。龍。非。不。神。不。能。白。日。升。天。飄。風。雖。疾。不。以。霖。雨。  
不。能。揚。塵。故。蒼。蠅。之。蜚。不。過。十。步。自。托。騏。驎。之。旌。乃。  
騰。千。里。之。路。然。無。損。于。騏。驎。得。使。蒼。蠅。絕。羣。也。

張敬






報漢元帝

王 嬙

臣妾謂身依日月。死有餘芳。而失意丹靑。遠竄異域。  
誠得捐軀報主。何敢自憐。獨惜國家黜陟。移於賤工。  
南望漢闕。徒增愴結。耳有父有弟。幸陛下少憐之。



答桓譚

長卿賦不似從人間來其神化所至耶大諦能讀千  
賦則能為之諺云伏習衆神巧者不過習者之門

楊雄



後漢

與嚴子陵

光武帝

在。大。有。為。之。君。必。有。不。召。之。臣。朕。何。敢。臣。子。陵。哉。惟  
 此。鴻。業。若。涉。春。水。譬。之。居。痛。頹。杖。而。行。昔。綺。里。不。少  
 高。皇。奈。何。子。陵。少。朕。也。箕。山。潁。水。之。風。非。朕。之。所。敢  
 望。





誠兄子

馬援


吾欲汝曹聞人過失如聞父母之名耳可得聞口不可得言也好論議人長短妄是非正法此吾所大惡也寧死不願聞子孫有此行也汝曹知吾惡之甚矣所以復言者施衿結褵申父母之戒欲使汝曹不忘之耳龍伯高敦厚周慎口無擇言謙約節儉廉公有威吾愛之重之願汝曹勉之杜季良豪俠好義愛人之憂樂人之樂清濁無所失父喪致客數郡畢至吾愛之重之不願汝曹勉也効伯高不得猶為謹勅之也所謂刻鵠不成尚類鶩者也効季良不得陷為天

下輕薄子。所謂盡虎不成反類狗者也。訖今。李則尚  
未可知。郡將下車輒切齒。州郡以紉言。吾常紉寒。心  
是以不領子孫效也。

與謝伯世

馬融


項憤：愁思猶不解。懷思在竹間。放狗逐麋。晚秋涉  
冬。大蒼出櫛。黃棘下兔。芼以乾葵。以送餘日。茲樂而  
已。



與竇伯向

孟陵奴來賜書見手跡歡喜何量次于面也書雖兩  
紙紙八行七字七八五十六字百一十二言耳

馬融






辭右扶風

丘訢


也。曹明府欲臣訢耶。師訢耶。明府所以尊寵人者極於功也。所以榮祿人者已于孝廉一極。已皆訢所不用也。



與郭叔都

荀爽


陳季方才德秀出。超世逸羣。金相玉筍。文章虎變。終  
軍賈誼。誠無以加。宜遂貢之宰朝。盛其龍光。鹽車之  
騶。自非伯樂。無以顯名。採光剖璞。以獨見寶。寶為足  
下利之。



與宋李文

覽手迹。知遂遵南山之志。繼四賢之蹤。時止則止。時  
行則行。其道光明。負以裔。少復道。訓于今。五十載  
矣。

張 兵





別夫

竇立妻

棄妻斥女。敬白竇生。卑賤鄙陋。不如貴人。妾所以遠  
彼。以親何所。控訴仰。呼蒼天。悲哉。竇生。初不厭新  
人。不厭故。悲不可忍。怨不可去。彼獨何人。而居我處。

去狀親絕異。天子使出其妻。以公主。妻悲怨。寄書


友。款悲云。款名古怨。亦名斃。斃。



教子元珪季珪

杜秦姬

中。人。情。性。可。上。下。也。在。其。檢。耳。若。放。而。不。檢。則。入。惡。  
也。昔。西。門。豹。佩。韋。以。自。寬。宥。宥。子。賤。帶。弦。以。自。急。故。能。  
改。身。之。恒。為。天。下。名。士。



與兒子

趙岐

大丈夫生世。遊無箕山之操。仕無伊呂之勳。天不我與。復何言哉。可立一圓石於吾墓前。刻之曰。漢有逸人。姓趙。名嘉。有志無時命也。奈何。





與太尉朱雋

張超

遺有冠世之懿。幹時之量。其忠允亮。貞固天所縱。若  
乃包羅載籍。管綜百氏。登高能賦。覩物知名。求之今  
日。邈焉靡儔。



與韋甫休

前日、元將來。淵才亮茂。雅度弘毅。偉世之器也。昨日、仲將又來。懿性貞寔。文敏篤誠。保家之主也。不意雙珠。近出。若蚌。甚珍貴之。

孔融



與諸卿

孔融

鄭康成多臆說人見其名學謂有所出也證案大較  
在五經四部書如非此文近為妄矣若子所執以為  
郊天鼓必當麒麟之皮也寫孝經本當會子家策乎






答呂布

海產明珠。所在為寶。楚雖有材。晉實用之。英偉君子。所游見。瑤何必本州哉。


田豫



與關雲長

諸葛亮

孟起兼資文武。雄猛過人。一世之烈。豈彭之徒。當與  
翼德並驅爭先。非若髯公絕倫逸群也。




戒子

諸葛亮

夫酒之設。合禮致情。適體歸性。禮終而退。比和之至也。主意未殫。賓有餘倦。可以致醉。無致於亂。

知汝願與念此字。令同還車到。當別置。置毫中。勿後以借人。

劉表有可掇錄受之  
杜征南与子悦善





謝曹孟德

關雲長


羽聞主憂臣辱主辱臣死。曩所以不死，欲得故主之音問耳。今故主已在河北，此心飛越神已先馳千里。追隨當不計利害，誅死生也。子女玉帛之賜，勒之寸丹他日，幸以旗鼓相當，退俟三舍，意者欲如重耳之報秦繆者乎？羽謝。



復曹孟德

關雲長


劉豫州有言。尉陀秦之小史耳。猶獨立不跪。其啞  
 飛鳴翔而後集。寧甘志終作小下人也。使明公威德  
 布于天下。幹旋漢鼎。窮海外。將拜下。此沐高義矣。  
 獨州兄弟。臨瞻悚羽。載復。



與曹孟德

明公布大義于天下。而速取自樹。非某之所敢知。君猶是漢也。羽何敢不臣。漢哉。敢拜嘉命之辱。

關雲長



與張文遠

關雲長

魯仲連東海之匹夫耳為齊下士然且耻不帝秦戰  
為通侯列漢元宰獨可使負漢耶子且休矣





與曹孟德

漢之宗親俱守穴窟耳。劉備有鷹集之才，秋風倏起，  
獵。有凌霄之志。明公宜謹避之。

郭嘉



與臧洪

隔澗相思發於寤寐。幸相去步武之間耳。而以趨舍  
異規。不得相見。其為愴恨。可為心哉。

陳琳



晉

報殷浩

王羲之

吾素志無廊廟。值王丞相時。果欲內吾。誓不許之手。迹猶存。由來尚矣。不於足下。參政而方進退。自兒娶女嫁。便懷尚子平之志。數與親知言之。非一日也。若蒙驅使。關隴巴蜀。皆所不辭。吾雖無專對之能。直謹守時命。宣國家威德。固當不同於凡使。必令遠近咸知。朝廷留心于無外。此所益殊不同。居護軍也。漢末使太傅馬日磔。慰撫關東。若不以吾輕微。無所為疑。宜及初冬以行。吾惟恭以待命。



與謝萬

王羲之

古之辭世者。或披髮狎狂。或污身穢跡。可謂艱矣。今僕坐而獲免。遂其宿心。其為慶幸。豈非天賜。違天不祥。頃東游還。脩植桑果。今盛敷榮。率諸子抱弱孫。游觀其間。有一味之甘。割而分之。以娛目前。雖植德無殊邀。猶欲教養子孫。以敦厚退讓。或以輕薄庶令舉策。數馬彷彿萬石之風。君謂此何如。比當與安石東游山海。并行田視地利。願養閒暇衣食之餘。欲與親知時共歡燕。雖不能興言高咏。銜杯飲蒲語田里。所行故以為撫掌之資。其為得意可勝言邪。常依陸賈





班嗣揚王孫之處世。甚欲希風數子。老夫志願盡于此也。

誠謝萬

王羲之

以君邁往不屑之韻。而俯同羣辟。誠難為意也。然所謂通識。正自當隨事行藏。乃為遠耳。願君每與士之下者同。則盡善矣。食不二味。居不重席。此復何有。而古人以為美談。濟否所由。實在積小。以致高大。君其存之。

遺王坦之

謝安

知君思相愛惜之至。僕所求者聲。謂稱情義。無所不  
可為。聊復以自娛耳。若繫軌迹。崇世教。非所擬議。亦  
非所屑。常謂君粗得鄙趣者。猶未悟之。濠上邪。故知  
莫逆。未易為人。



與支遁

謝安

思君日積計。辰傾遲。知欲還。刻自治。甚以悵然。人生  
如寄耳。頃風流得意之事。殆為都盡。終日感觸。事  
惆悵。惟遲君來。以晤言消之一日。當千載耳。此多山  
縣。閒靜。差可養疾。事不異刻。而醫藥不同。必思此緣。  
別其積想也。




戒子

汝旦夕之費自給為難  
人子也可善遇之

國家圖書館 NATIONAL CENTRAL LIBRARY, TAIWAN, R.O.C.

今遣此加助汝薪水之勞亦

陶潛





與兄弟

寡婦泚

蓋聞君子尊人以德。矯俗以禮。是以烈士有不移之  
 志。貞女無迴二之行。泚婦人竊慕殺身成義。死而  
 後已。夙遭禍罰。喪其所天。男弱未冠。女幼未笄。是以  
 僥倖求生。將欲長育二子。上奉祖宗之嗣。下繼祖禰  
 之禮。然後執枵糲。永無慚色。仁兄德弟。既不能厲  
 高節於弱志。發明德于闇昧。許我從人。逼我于上。乃  
 命官人。訟之簡書。夫智者不可惑。以事仁者不可脅。  
 以死晏嬰。不以白刃臨頸。改正且之辭。梁寡不以毀  
 形之痛。忘執節之義。高山景行。豈不思齊。計兄弟備



託學門不能匡我以道博我以文雖曰既學吾諫之  
未也

答夫許邁

孫氏

愚下不才。侍執巾櫛。榮華福祿。相與共之。如何君子。  
駕其大義。輕見斥逐。若以此處。遐曠非婦人所便。昔  
梁生涉嶺。孟光是携簫史登臺。秦女不合。衛人修義。  
夫妻同行。老萊逃名。伉儷俱逝。豈非古人嘉遊之舉。  
者許君乖離矣。

宋

與僧道明

頻見亮公。非常人也。比日聞所未聞。不覺歲之將暮。珠生合浦。魏人取以照車。壁在邯鄲。秦王請以華國。天下之寶。當與天下共之。非復上人。貴州所宜專也。

袁粲

國家圖書館, NATIONAL CENTRAL LIBRARY, TAIWAN, R.O.C.



梁

書評

風氣  
王右軍書如謝家子弟。縱復不端正者。爽自有  
一種

袁昂






答謝中書

陶弘景

山。川。之。美。古。來。共。談。高。峯。入。雲。清。流。見。底。危。岫。絕。壁。  
五。色。交。暎。青。林。翠。竹。四。時。俱。備。曉。霧。將。歇。猿。鳥。亂。鳴。  
夕。日。欲。頽。沈。鱗。競。躍。寔。是。欲。界。之。仙。都。自。康。樂。以。來。  
未。復。有。能。與。其。奇。者。



為衡山侯與婦

何遜

昔人遨遊洛泗。會過陽臺。神仙髣髴。有如今別。雖帳  
前微笑。涉想猶存。而帳裏餘香。從風且散。掩屏為疾。  
引領成勞。鏡想分鸞。琴悲別鶴。心如膏火。獨夜自煎。  
思等流波。終朝不息。始知萋萋。萱草忘憂之言。不實。  
團圓輕扇。合歡之用。為虛。路過人遊。音塵寂絕。一日  
三秋。不足為喻。聊陳往翰。寧為款懷。遲枉瓊瑤。慰其  
杼軸。

與宋元思

吳均

風煙俱淨。天山共色。從流飄蕩。任意東西。自富陽至桐廬一百許里。奇山異水。天下獨絕。水皆縹碧。千丈見底。游魚細石。直視無碍。急湍甚箭。猛浪若奔。夾峯高山。皆生寒樹。負勢競上。互相軒邈。爭高直指。千百成峯。泉水激石。泠泠作響。好鳥相鳴。嚶嚶成韻。蟬則千轉不窮。猿則百叫無絕。鸞飛戾天者。望峯息心。經綸世務者。窺谷忘反。橫柯上蔽。在晝猶昏。疎條交映。有時見日。



與頽章

吳均

僕去月謝病還。覓薜蘿梅溪之西。有石門山者。森壁  
爭霞。孤峰限日。幽岫含雲。淙谿蓄翠。蟬吟鶴唳。水響  
猿啼。英、相雜。綿、成韻。既素重幽居。遂葺羽其上。  
幸富菊花。偏統竹實。山谷所資。于斯已辨。仁智所樂。  
豈徒語哉。

NATIONAL CENTRAL LIBRARY, TAIWAN, R.O.C.



與施從事

故鄆縣東三十五里有青山絕壁干天孤峯入漢綠  
嶂百重清川萬轉歸飛之鳥千翼競來企水之後百  
臂相接秋露為霜春蘿被逕風雨如晦鷄鳴不已信  
足蕩襟頤物怡衷散賞

吳均



唐

山中與裴秀才

王

維

近臘月下。景氣和暢。故山殊可過。足下方溫經。猥不敢相煩。輒便往山中。憇感配寺。與山僧飯訖而去。北涉玄灑。清月映郭。夜登華子岡。輞水淪漣。與月上下。寒山遠火。明滅林外。深巷寒犬。吠聲如豹。村墟夜春。復與疎鐘相聞。此時獨坐。僮僕靜默。多思曩昔。携手賦詩。步仄逕。臨清流也。當待春中。草木蔓發。春山可望。輕儵出水。白鷗矯翼。露濕青皋。麥隴朝雉。斯之不遠。倘能從我遊乎。非子天機清妙者。豈能以此不急。



之務相邀。然是中有深趣矣。無忽。

甲秀堂帖  
夜來月下卧醒。花影零露滿人襟。袖疑如濯魄如冰。  
壺也。


李白

國家圖書館, NATIONAL CENTRAL LIBRARY, TAIWAN, R.O.C.

與馮宿

楊子雲著太玄人皆笑之。子雲曰：世不我知，無害也。後世復有楊子雲心好之矣。子雲死，近千載，竟未有楊子雲可歎也。

韓愈





與元禎

僕去年冬始游廬。到東西二林間。香鑪峰下。見雲水  
泉石勝絕。因置草堂。前有喬松十數株。修竹千竿。青  
蘿為牆垣。白石為橋道。流水周於舍下。飛泉落于簷  
間。赤榴粉蓮。羅生池砌。每一獨往。動彌旬日。平生所  
好。盡在其中。不惟忘歸。可以終老。

白居易



與張君瑞

崔氏

玉環一枚。是兒嬰年所弄。寄充君子下體之佩。玉取其堅潔不移。環取其始終不絕。兼亂絲一絢。文竹茶碾子一枚。此數物不足見珍意者。欲君子如珉之貞。散志如環不解。淚痕在竹。愁緒縈絲。因物達誠。永以為好。耳幽憤所鍾。千里神合。春風多厲。強飯為佳。




宋

與晏尚書

白雲徘徊終日不去。岩泉一支游愛齋中。春之晝。秋  
之夕。既清且幽。大得隱者之樂。唯恐逢息一日。移去。

范仲淹





報兄

自別荆庭。不聆音誨。心恒快。幸領手教。下示披閱。未竟。宛然如對面譚。其中告戒叮嚀。無非中養不中。和養不和之意。弟樂有賢父兄。敢不奮迅。激昂而甘。柏暴棄耶。風便奉復。兄幸鑒入。

范仲淹

與富鄭公

歐陽修

修啟。暑雨不審。台候何似。有蜀人蘓洵者。文學士也。自云奔走德望。思一見而無所求。然洵達人。以謂修能取信于公者。求為先容。既不可却。亦不忍棄。輒以冒聞。可否進退。則在公命也。



與王慶源

蘇軾

人生悲樂過眼。如夢幻。不足追。惟以時自娛。為上策也。軾名位過分。日負憂責。惟得幅巾還鄉。平生之願足矣。幸公千萬保愛。得為江造。携壺藉草之遊。樂如之何。



與王慶源

蘇軾

辱書及詩如接風論。忽不知萬里之遠也。知叔大年  
來頗窘。此事有定分。但只以安健無事。多子孫為樂。  
亦可。遣何時歸休。得相從田里。但言此心已馳於  
瑞草橋之西南矣。秋暑更冀以時珍重。



與子明兄

蘇軾


吾兄弟俱老矣。當以時自娛。此外萬端皆不足介懷。所謂自娛者。亦非世俗之樂也。但胸中廓然無一物。即天壤之內。山川草木。虫魚之類。皆足供吾家樂事也。



與楊元素

蘇軾

近聞小人輒讀左右此何品類也乃敢如此信知困  
中無種不有想以道眼觀之何啻蚊蟲一笑可也



答李端叔

蘇軾

得罪以來。深自閉塞。扁舟草履。放浪山水間。與漁樵  
雜處。往。為醉人所推罵。輒自喜。漸不為人所識。平  
生親友。無一字見及。有書與之。亦不答。自幸庶幾免  
矣。足下又復創相推與。甚非所望也。






與徐仲車

蘇軾

昨日既蒙言贈。今日又荷心送。益然有得。載之而南。矣。辱手教。極甚厚愛。孔子所謂忠。焉能分誨乎。當書諸紳。寢食不忘也。



與晦夫

軾啟。辱答教。感服風月之約。敢不敬諾。庾公南樓所  
謂老子於此興復不淺。便當携被往也。

蘇軾



與李公擇

蘇軾


知治行。審用不易。僕行年五十。始知作活。大要是慳  
爾。而文以美名。謂之儉。素然。吾儕為之。則不類俗人。  
真可謂澹而有味者。又詩云。不戢不難。受福不那。口  
體之欲。何窮之有。每加節儉。亦是惜福延壽之道。此  
似鄙吝。且出之不得已也。然自謂長策。不敢獨用。故  
獻之左右。佳京師尤宜用此策也。一笑。

NATIONAL CENTRAL LIBRARY, TAIWAN, R.O.C.

與李公擇

蘇軾

秋色佳哉。想有以為樂。人生惟寒食重九。慎不可虛。  
擲四時之變。無如此節者。余弟子由。近作樓賢僧堂  
記。讀之慘凜。覺崩崖飛瀑。逼人寒栗。並及。





與李公擇

今日霽日尤可喜。食已。當取天慶觀乳泉。潑建茶之  
精者。念非君莫與共之。然早來市無肉。當相與啖菜  
飯耳。不嫌可只今相過。軾啟上。

蘇軾



答趙昶誨之

蘇軾

性喜馮字。而怕作書。親知書問。動盈篋笥。而終歲不  
答。對之太息而已。乃知剖符南徼。賢者處之。固不擇  
遠近。劇易矧風土。舊諳習。而兵興多事。適足以發明  
利器。但恨愚暗。何時復得攀接耳。



與毛維瞻

歲行盡矣。風雨淒然。絲窓竹屋。燈火青熒。時於此間  
得少佳趣。無由持獻。獨亭為愧。想當一笑也。

蘇軾



答程天侔

蘇軾

去歲僧舍屢會。當時豈知為樂。今者海外。無復夢見。聚散憂樂。如反覆手。幸而此身尚健。得來訊喜。侍奉清安。知有愛子之戚。襤褸。泡幻。不須深留戀也。僕離惠州後。大兒子房下亦失一男孫。悲愴久之。今則已矣。此間食無肉。病無藥。居無室。出無友。冬無炭。夏無寒。泉然亦未易。悉數大率皆無。爾惟有一幸。無甚瘴也。近與兒子結茅屋數椽。居之僅庇風雨。然勞費已不貲矣。賴十數學生助工作。躬沉水之役。愧之不可言也。尚有此身。付與造物。聽其運轉。流行坎止。無不



可者故人知之免憂夏熱萬自愛。

與人

蘇軾

軾日望歸蜀耳。終當過岐雍間。徜徉少留。以償宿昔之意。君自名臣子。才美漸著。豈復久浮沉里中。宜及今為樂。異時一為世故所縻。求此閑適。豈可復得耶。偶記舊與彭年一詩。讀之。蓋淚下也。斯人有才而病廢。故常多感慨。可念可念。聊復錄此。奉呈。想亦為之惘然也。

與宋漢傑

蘇軾

軾初仕。即佐先公。蒙顧遇之厚。何時可忘。流落濶遠。不聞昆仲息耗。每以惋歎。辱書紫幅。話及疇昔。良復慨然。三十餘年矣。如隔晨耳。而前人彫喪。略盡。僕亦僅能生還。人世一大夢。倏仰百變。無足怪者。唐輔令兄。今復何在。未及奉書。因信荅道區。軾只候水來。即行矣。餘留而盡。



答廖明畧

蘇軾

遠去左右。俯仰十年。相與更此百罹。非復人事。置之勿污筆墨可也。所幸平安。復見天日。彼數子者。何辜獨先朝露。吾儕皆可慶。寧復戚于既往哉。公議皎然。榮辱竟安在。其餘夢幻去來。何啻蚊虻之過目前也。矧公才學過人。遠甚。雖欲忘世。而世不我忘。晚節功名。直恐不免耳。老朽欲屏歸田里。猶或得見蜂蟻之微。尋以變滅。終不足道。區、仰念有以廣公之意者。切欲啟事上答。冗迫不能就。惟深亮之。



答曾子宣

蘇軾

軾啟。辱教。伏承台候。萬福。為慰。塔記。非敢慢。蓋供職  
數日。職事如麻。歸即為詞頭。所迫。卒以夜半。乃息。五  
更復起。實未有餘暇。乞限一月。所敢食言者。有如何。  
願公一笑而恕之。且夕當卜一邂逅而別。





答劉貢父

蘇軾

軾江湖之人。久留輦下。如在樊籠。豈復佳思也。人情  
責重百端。而衰病不能。應劭動是罪戾。故人知我想  
復見憐耶。後會未可期。臨書悵惘。禪理氣術。比來加  
進否。世間閑事。持有此耳。願更着鞭。區、之禱也。



答楊濟甫

蘇軾

久客都下。春色已盛。但塊然獨處。無與為樂。所居廳  
前。有小花園。課童種菜。亦少有佳趣。傍宜秋門。皆高  
槐。古柳。一似山居。頗便野性也。漸暖。惟千萬珍重。

NATIONAL CENTRAL LIBRARY, TAIWAN, R.O.C.

答呂熙道

平時企詠賢者，獨恨隔閡耳。既至治下，謂當朝夕繼見。而病與人事奪之，又迫於行，忽遽捨去，可勝嘆耶。別來方欲上問，先辱手教，益增悚怍。比日起居何如。後會不可期，惟萬、以時自重。

蘇軾

答吳子野

蘇軾

濟南境上為別。便至今矣。其間何所不有。置之不足道也。專人來。忽得書。且喜居鄉安穩。尊體康健。軾到黃已一年半。處窮約。故是夙昔所能。比來。又加便習。自惟罪大罰輕。餘生仰得君父之賜也。躬耕漁樵。真。有餘樂。承故人千里問訊。憂郵之深。故詳言之。何時會合。臨紙悵。

NATIONAL CENTRAL LIBRARY, TAIWAN, R.O.C.



與蘇景繁

蘇軾

近來頗佳健。一病半年。無所不有。今又一時失去。無分毫在者。足明憂喜浮幻。舉非真實。因此頗知衛生之經。平日妄念雜好。掃地盡矣。公比來諸况。何如。刻刷之來。不少勞乎。思渴之至。非筆墨所能盡也。

NATIONAL CENTRAL LIBRARY, TAIWAN, R.O.C.

答王定國

蘇軾

近絕少過臨。賓客知其衰懶。不能與人為輕重。見頽  
者漸少。殊覺自幸。昨日偶見子華。嗟嘆老弟之遠。外  
蒙囑。聞過必相告。吾弟大節過人。而小事亦不輕意。  
正如作詩。高處可以追配古人。而失處亦受嗤于拙  
目。薄俗正好點檢。人小疵。不留意也。

NATIONAL CENTRAL LIBRARY, TAIWAN, R.O.C.

答金山寶覺禪師

蘇軾

去歲赴官。迫於程限。不能枉舟一別。中流縱望。雲山杳然。有不可及之歎。既渡江。遂蒙輕舟見餞。復得笑語。一餉之樂。暫荷之懷。殆不可勝言。別來因循。未及修書。專人至。辱教累幅。慰喻反覆。讀之爽然。如對妙論。仍審比來法履佳勝。軾此粗遣。但未有會見之期。臨紙惘然。惟萬。自重。至遊堂記。即當下筆。通中寄去。近有後杞菊賦一首。寫寄以當一笑。



答佛印禪師

蘇軾

經年不聞法音。經術荒蕪。無與鋤治。忽致手教。累幅  
稍覺灑然。仍審比來起居佳勝。行役二年。水陸萬里。  
近方弛擔。老病不復往日。而都下人事十倍於外。吁。  
可畏也。復欲如去年相對溪上。聞八萬四千偈。豈可  
得哉。南望山門。臨書悽斷。苦寒為衆自重。





與佛印禪師

蘇軾

治行草。不復上問。忽奉手筆。曠若發蒙。且審比日  
戒體輕安。又承退席雲卧。尤仰高風也。未緣展晤。引  
跂尤劇。



與大辯才老

蘇軾

專人來尋書。伏承法體清勝。甚慰相望。山門虛寂。長夏安隱。燕坐湛然。得無所得。無緣面話。惟萬。自重。



與范元長

蘇軾

先公已矣。惟望此仲自立。不墜門戶。千萬留意其遠者。大者勿徇。一至於哀。致無益之歎。與先公相照。誰復如軾者。此非苟相勸勉而已。切深體此意。餘不敢盡言。



與元不伐

黃庭堅

所慰家徒四壁。應舉蹉跎。貧者士之常。富貴在天。安  
可人力較耶。知寸心不與萬物俱盡。則在此不在彼。  
矣。千萬開擴胸次。衡門之下。古人不遠。





答王雲子飛

黃庭堅

陳履常正字天下士也。公有意于學者，不可不往掃  
斯人之門。古人云：讀書十年，不如一詣習主簿。端有  
此理。若見為問訊千萬。



答李端叔


黃庭堅

數日來驟暖。瑞香水仙紅梅皆開。明牕淨室。花氣撩  
人似少年時。都下夢也。但多病之餘。嬾作詩爾。公比  
來亦遊戲翰墨間耶。或傳陳履常病且死。豈有是乎。  
比得荊州一詩人高荷。極有筆力。使之凌厲中州。恐  
不減晁張。恨公未識耳。方叔安否。

答李端叔

老來懶作文。但傳得東坡及少遊。嶺外文時一微吟。  
清風颯然。顧同味者難得爾。

黃庭堅





寄蘇子瞻

佛印

嘗讀退之送李愿歸盤谷序。愿不遇于主上者，猶能坐茂樹以終日。子瞻中大科，登金門，上玉堂，遠放寂寞之濱。權臣忌子瞻為宰相耳。人生一世間，如白駒之過隙，一二十年功名富貴，轉眴成空。何不一筆勾斷，尋取自家本來面目。萬劫常在，永無墮落。縱未得到如來地，亦可以駢駕鸞鶴，翱翔三島，為不死人。何乃膠柱守株，待入惡趣。昔有問師佛法在甚麼處。師云：「在行住坐卧處，着衣喫飯處，沒理沒會處，死活不得處。」子瞻胸中有萬卷書，筆下無一點塵，到這地位。





不知性命所在。一生聰明。要做甚麼。三世諸佛。則是一箇有血性的漢子。子瞻若能脚下承當。把一二十年富貴功名。賤如泥土。努力向前。珍重珍重也。

答華仲至

朱熹

熹衰病沉痾。日甚一日。告老之章。且幸得請。將謂世已相忘。然猶未脫誰何之域。尸居餘氣。何足加念。彼亦正自過慮也。

元

答謝教授

寒簷細雨。抖擻無情。得書而讀之。昏眼為拭。天祥落  
落白雲間。一時春綠。自飯吾犢。浮世榮辱事。付之山  
外。褒惜所蒙。君言過矣。

文天祥

國家圖書館, NATIONAL CENTRAL LIBRARY, TAIWAN, R.O.C.

與繆知府

文天祥

天祥茅屋三間。在萬山深處。借書沽酒外。一毫不以  
為公私撓。歎時松百畝。日騎牛扣角其間。天惠仁侯  
自此吏不打門。犬不夜吠。猿嘯虎嘯。各適其適。則祥  
受賜多矣。



答鍾叔玉

文天祥

杜門避影久矣。出山一事不到夢寐間。聞命誤節。湘羅咲人。方循墻丐祠。以安半菽。倘拜俞音。春盡花陰。猿鶴飽卧。亦五雲之餘蔭也。

